

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

فکرانیه

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر



شرفتملق بیوریلان اراده سنیه حضرت ظل الهی منطوق همایوننجه مرجع عالیسندن
کشیده قلنان تلغرافنامه عمومی صورتیدر

تأسیس جلیل جناب خلافتیناهی اولان قانون اساسیده صورت تشکیلی بیان اولنان مجلس مبعوثانک اجتماعه دعوت اولنمسی شرفتملق بیوریلان
اراده سنیه حضرت خلافتیناهی ایجاب عالیسندن بولنمش و حکم جلیلی بالجمله ولایات شاهانه والیکلریله الویه غیر ملحقه متصرفلرینه تبلیغ قلنمش
اولمغله اوراجه ده قانون مذکورده مندرج صفاتی حائز اعضانک انتخابنک اجرایی فی ۲۵ جمادی الاخره سنه ۱۳۲۶ و فی ۱۱ تموز سنه ۱۳۲۴

عفو عمومی

غنایات لاتحصای حضرت ملکداری جمله آثار مبعوله سندن اولمق اوزره پولتیقه مجرمینی حققرنده عفو عمومی اعلانه بوکره قریحه الهام صبیحه
جناب تاجداریدن اراده سنیه حضرت خلافتیناهی شرفصدور بیورلش و بولطف عال العمال جناب شهریاریدن افعال و حرکات غیر مرضیه لری
جهتیه موجب انتباه اولمق اوزره برر خدمتمده استخدام ایدلمک قیدیه و یا اقامته مأموریت صورتیه طشره به اعزام و تبعید ایدلمش و یا خود افعال
جنائیه بی تضمن ایتمکسزین بعض حرکات غیر مرضیه لری سببیه موقوف بولنمش و یا دیوان حربلرجه محکوم ایدلمش بالجمله اشخاصک حصه مند
غنایت اوله جقلری طبیعی بولنمش اولوب اشبو امر و فرمان همایون حضرت ملکداری احکام جلیله سی تلغرافله بالجمله ولایات والویه غیر ملحقه ایل
شهر امانت جلیله و ضبطیه نظارت دلیه سنه تبلیغ قلنمسیله اعلان کیفیته ابتدار اولندی فی ۲۹ جمادی الاخره سنه ۱۳۲۶ و فی ۱۵ تموز سنه ۱۳۲۴

روم ايلي شاهانه ده بولتان عناصر مختلفه دن سنه لردن برو طريق شقاوته سلوك ايتش اولانلرك سلاحلرني حكومته تسليم ايله ماوالريته كيتمك اوزره عفو عالي استرحامنده بولند قلري اوچنچي اردوي هايون مشيريت جليله سندن وقوع بولان معروضات جمله سندن اولوب قانون اساسي مقتضياتدن بولتان مجلس مبعوثانك كشادي حقنده اصابت افزاي سنوح بيوريلان اراده سنيه حضرت ملكدارينك اعلاني اوزرينه عناصر مختلفه به منسوب تبعه شاهانه بيننده آثار تامه ائتلاف حصوليه طرف مستجمع الشرف حضرت جهانباني به عبوديت صداقت شعاري و ارتباط صميمي ايله عرض تشكرات ايدلش اولمغله بروجيه محرر سلاحلرني حكومته تسليم ايتك ومن بعد مسلك شقاوته منسلك اولماق شرطلرله مستديرك استرحاماتي رهين مساعده سنيه حضرت تاجداري اولديغندن كيفيتك محملر نجه و در سعادت نجه اعلان و تبشيري و محملري حكومتلر نجه اووجهله ايجاباتك اجراسي ضمننده مفتش عموميلكه و روم ايلي ولايات شاهانه سنه اجرائي تبليغات اولنسي خصوصنه مجلس مخصوص وكلا قراريله بالاستيدان اراده سنيه حضرت خلافتناهي شرف تعلق بيوريله رق ايجاباتي ايفا اولنديني اعلان اولنور .

في ۲۹ جمادى الاخره سنه ۱۳۲۶ و في ۱۵ تموز سنه ۱۳۲۴

بالاده كي صورتلري ايله تزيين ستون مفخرت ايتديكمز تلغرافنامه واعلانات رسميه ده بيان بيورلديني اوزره متبوع مخممن شوكتلو پادشاهن افنديمن حضر تلرينك تاسيس جليل جناب خلافتناهيلى اولان قانون اساسينك موقع تطبيقه وضعيله در سعادت و ولايات شاهانه جه انتخاباته ابتدار و عنايات لا تحصى حضرت شهنشاهي جمله آثار مبعجله سندن اولق اوزره پوليقيه مجرميني حقلرنده عفو عمومي اعلان اولنسي امر نده اصابت افزاي سنوح و صدور بيوريلان ارادات سنيه حضرت ملوكانه بالعموم تبعه صادقه عثمانيه جه پايانسز مسرات و تشكراتي موجب اوله رق دعاي افزايش عمر واجلال حضرت پادشاهي هر طرفه آورده السنه محمدت ايدلشدر .

بلطفه تعالى مملكتهك و بتون تبعه عثمانيهك نوبنو سعادت و سلامهتتي ونعمت جليله عدالتدن بحق استفاده سيله هر درلو ترقيا ته مظهرتتي تايمين ايدن بو عنايات سنيه حضرت شهرياريدن متحصل مآثر شادمانى

وحسيات عميقه شكرانكذارى به (جريدة محاكم عدليه) دخي اشتراك ايله السنه خالصه عموميه يي زينتياب ايدن « پادشاهم چوق ياشا » دعاي مفروض الاداسني تكرر ايدر .

..

در سعادت حبس خانه سنده محبوس و موقوف بولتان مجرمين سياسيهك بر موجب امر و فرمان هايون ملوكانه دونكي كون تخليه سيللري اجرا وازدياد عمر و اقبال حضرت پادشاهي دعوات مخصوصه سي ياد وادا قلمشدر .

توضيحات

انطاليه سنجاني بدايت محكمه سي جزا رياسته ارغني سنجاني بدايت محكمه سي جزا رئيس سابقى رشدى و حكاري سنجاني بدايت محكمه سي مدعي عمومي معاونلكنه حلب ولايتي مركز بدايت محكمه سي سرمستطق ابراهيم و مانده مانده بدايت محكمه سي رياسته اسقرايار قضايي بدايت محكمه سي مدعي عمومي معاونلكندن مستعفى رفعت افنديلر تعيين و بصره ولايتي مركز تجارت محكمه سي رئيسي توفيق افندي ايله نايلس سنجاني بدايت محكمه سي جزا رئيسي عبده مجدي افنديك دولونه قضايي بدايت محكمه سي جزا رئيسي ابراهيم حق افندي ايله ده امروز قضايي بدايت محكمه سي رئيسي مهدي افنديك بجايش مأموريتلري اجرا بيورلش و مومي اليهم مخلف بولنشدر .

محاکمات مختصه

محكمة تميز حقوق دائره سندن تنظيم واعطا اولتان اعلامدر :

عيتابك عمه محله سنده مقيم حصيرجي زاده محمد سامي افندي ايله عيتابك سنك نقاش محله سي ساكنلردن عيسى يشه زاده حاجي محمد افندي بيننده متكون دعوايه دائر حلب بدايت محكمه سندن ۲۱ تموز سنه ۳۲۳ تاريخي و اونوزدرت عددي ايله استينافاً و يريلان اعلام مومي اليه محمد سامي افندي طرفندن تميز اولمغله اعلام مذكور طرفينك اعتراض و جواب لايحه لر ايله بالمطالعہ تدقيقات تميز به اجراسنه ابتدار قلندي .

مالی مزبور حاجي محمد افنديك متوفى بازارباشي حاجي محمد اغا ذمتده اولان الاجفك تايمين استيفاسي ضمننده متوفاي مومي الهك مالي اولوب عيتابك نوبه محله سنده كاش معلوم الحدود براب خانهك بدى حصه اعتباريله التي حصه سنه وضع ايتدرمش اولديني حيزك فكي حقنده مومي اليه سامي افندي و والده سي شاكره خانم طرفلردن اقامه ايديلان دعوايه عيتاب بدايت محكمه سندن صادر اولان اعلام غياييك تميزاً بالتدقيق دعواي واقعه متوفاي مومي الهك ديني ايچون داي طرفندن تحت حيز دالتان خانهك فك حيزينه متدائر اولسنه كوره منازل فيه خانه مديون متوفانك ملكي ايكن ورته سنه انتقال ايدوب ايتديكك تدقيقه مديون مومي الهك مالي اولديني اصولاً ثابت اولديني صورتده دينك ايفاسنه كافي ديكر مالي بولوب بولنديني تحقيق ايديلهرك تبين ايدمك حاله كوره حكم اولنق لازم كلورك بوجهنلرك تدقيق ايدلامسندن ناشى نقض و اعاده قلمسي اوزرينه محكمه مذكور جه بتكرار جريان

ايجابي ليدى المذاكره محكمه استينافيه جه بالتحليف استماع اولتان شاهدلرك درجه قرايتي اعلامده تعين و تصريح اولنماش و برده حكم ابتدائي تطبيقات قانونيه نقطه سندن يولسر كوردنكي صورتده فسخ اولنهرق يكيدن قرار اعطاسي مقتضى ايكن تخفيف جزا صورتيله حكم مزبورك تعديل يولنده ايشك اعلامه ربط

ايدلش اولسي يولسر اولوب شو جهتي ضمن ايدن اعراض نقض حكمي مستلزم اسبابدن بولديغندن اصول محاكمات جزائيه قانونك اوج يوز اون درت و اوج يوز اون طقوزنجي ماده لري احكامه توفيقاً اعلام استينافى مذكورك مستدعي عمره تعلق ايدن فقره حكميه سنك نقضه وايكي يوز غروش تميز اعلامي خرجك مستدعي مرقوم عمردن تحصيله ۱۶ مايس سنه ۳۲۳ تاريخنده متفقاً قرار و يرلدى .

محمدعلي به قتل قصديه سلاح آتديني ادا اولنمسندن دولاي جنائيله اتهام اولتان بسيمك اوج سنه مدته كوركه قولسنه دائر ايليصان سنجاني بدايت محكمه سي جزا دائره سندن و يريلان ۱۶ نومرولى اعلام يوسف قتل قصديه سلاح آتديني ادا اولنمسندن دولاي جنائيله اتهام اولتان اسماعيلك اوج سنه مدته كوركه قولسنه دائر دكرلى سنجاني بدايت محكمه سي جزا دائره سندن و يريلان ۸ نومرولى اعلام

محمدى قتل قصديه جرح وحسنه تشهير سلاح ايتديكي ادا اولنمسندن دولاي جنائيله اتهام اولتان سليمانك اوج سنه برآي كوركه قولسنه دائر حميد اباد سنجاني بدايت محكمه سي جزا دائره سندن و يريلان ۲۰۲ نومرولى اعلام عبد اللهك اشيا سني غضب ايله قتلنه تصدى ايتديكرى ادا اولنمسندن دولاي جنائيله اتهام اولتان سالم و مشارعهك اوچر سنه مدته كوركه قوللرينه دائر كر بلا سنجاني بدايت محكمه سي جزا دائره سندن و يريلان ۳۲۲ نومرولى اعلام محكمه تميز جزا دائره سنجه تصديق قلمشدر .

۶۹۶ نومرولى نسخه ده مندرج در سعادت

جنائيت محكمه سي اعلامك بقيه سي :

عند الاستيضاح طرفينك توسيع تحقيقاته متعلق بشقه طبلري اولما ديني اكلا شلمغله تحقيقاتك بوندن عبارت اولديني بيان ايدلركده معارن مومي اليه متهم خرسونك آلت مخصوصه استعماليله آبارتمان قوسنى آچهرق دروننه بال دخول اشيا سرقت و در دسته كيدن قوميسر مصطفى افندي به دخي سلاح تشهيرينه جرأت ايلديكي اخبارات و اشياى مسروقهك اوزرنده

ايدن محاكمه و تدقيقات و جاهيه نتيجه سنده منازل فيه خانهك متوفى بازارباشي محمد اغانك ملكي اولوب وقوع و قانيه ورته سنه انتقال ايتديكي شهود مستعنهك شهادت لر ايله ثابت اولسنه و مدعي سامي افندي طرفندن ابراز اولتان سند خاقاني ايله طابو قيدنده كوريلان ميانيت سالف الذكر سند مندرجاتي قانوناً اعتباردن اسقاط ايدمكجه بناء مدعي سامي افنديك بوبادمكي ادعاسنك رديله حكم غياييك تصديقه دائر صادر اولان اعلام ابتداييك عند الاستيناف تصديقه حكمدن و مستدعي تميزك اشبو حكم عليهنده لايحه سنده محرر باشلو جه اعتراض ايكنجي دفعه بدايه و يريلان قرار، قرار اوله ميان اولوب قانوناً مفسوخ بولنش ايكن استيناف محكمه سنجه بوجهنك نظر دفته التامسي و بدايه مرور زمان حقنده برقرار و يرلديكي كبي استينافاً دخي بوجهنك مسكوت عنه براقلمسي وسند رسميه به مربوط اوليسان تصرف دعوالرينك استماع بار اراده سنيه تحت ممنوعيته انكش ايكن سنده قارشو شهود شخصيه استماع اولنسي و شهود مستعنهك شهوددهك حدودي مذكور و تصريح ايتديكلري حالد شهادت لر ينك قبول ايدلسي مغاير قانون اولديغندن بختله اعلام مذكورك نقضى استدعا سندن و مدعي عليهك نتيجه جوابي دخي اعتراضات مسرودهك واهي وني اساس اولديني بيانيله ردى و موافق اصول و قانون اولان اعلامك تصديقي طيلندن عبارت بولنشدر .

ايجابي مذاكره اولدقده اعلام مذكور مآلندن مفهم اولديني اوزره بوكي سننده مربوط اولان معامله فراغيه به اعتراض اولنديني صورتده فراغ واقمك طابو ادارمسنده موجود اولسي لازم كلن اوراق اساسيهك و تقرير قوميسر يني مضطه سنك جلب و تدقيقيله تبين ايدمك حاله كوره بر حكم و يراسي لازم كلورك بوبولده معامله اجرا ايديلهرك قيدك مشوش اولديغندن بختله سنده قارشو شهود شخصيه استماعيله منازل فيه خانهك مومي اليه حاجي محمد افنديك مالي اولديغه حكم ايدلسي مغاير قانون اولديغندن اصول محاكمه حقوقه قانونك ايكي يوز اونوزا ايكنجي ماده سي موجبجه اعلام مذكورك تقضيله قانون مزبورك ايكي يوز قرق دردنجي ماده سنك فقره اوليسى حكمه توفيقاً كيفيتك صورت محرره دائره سنده بالرؤيه اعلامه رايي ضمننده محكمه مذكور به اعاده سنه و مقدما مستدعي تميز محمد سامي افندي طرفندن ايفا فلتان يوزاللى طقوزنجي غروش ايله بوكره تميز عليه حاجي محمد افندي نامه اخذ اولتان ايكي يوز انكش بر غروشكه جمعا درت يوز بكرى بيجق غروش مصارف تميز بهك

ايلورده حقسر چيقه حق طرفه عائد اولسنه ۲۱ شباط سنه ۳۲۳ تاريخنده متفقاً قرار و يرلدى .

محكمة تميز استدعا دائره سندن تنظيم واعطا اولتان اعلامدر :

انقره ولايتي مركز بدايت جزا محكمه سندن استينافاً صادر اولوب ۲۲ نيسان سنه ۳۲۲ تاريخنده تفهيم فلتان ۲۲ نيسان سنه ۳۲۲ تاريخي و يوزيكرى اوج نومرولى اعلامك تميزاً تدقيقى مستدعي حياهه قضائيه تابع قاضي قريه سندن حاجي كوكن اغازاده عمر طرفندن و يريلان استدعا نامه و اوراق متفرعه سي باش مدعي عموميلك مأموريت بهي سنك ۱۷ شباط سنه ۳۲۲ تاريخي تبليغنامه سي ايله محكمه تميز استدعا دائره سنه كوندرلش و استدعا نامه مزبورك مدني طرفنده و يرلديكي وشروط قانونيه سنه موافق اولديني بالتدقيق اكلا شلمش اولديغندن بالقبول تدقيقات تميز به اجراسنه ابتدار قلندي .

اعلام تميز بهك خلاصه مالي يكديكرى ضرب واطاله لسان ايتلردن طولاي مظنون عليهم اولان قريه مذكور دن حاجي كوكن اوغللري عمرك سايقه مكرره احجابدن بولنديني جهته برماه و بكرل اون بش و حاجي كاظمك دخي اون كون مدت لرله حبسلرينه دائر صادر اولان اعلام ابتدائي عليهنده مرقومون طرفلردن اعطا قلنسان استيناف استدعا سي اوزرينه جريان ايدن محاكمه و تدقيقات نتيجه سنده مرقومون عمرك حكوميت سابقه سنه بناء جزاسي تضعيف ايدلديكي حالد بوكا اساس اولان حكمك كسب قطعت ايدوب ايتديكي درج ايدلماش اولسنه مبن حكم مزبورك تعديليله قانون جزاك يوز تيش طقوزنجي ماده سنه توفيقاً بولنردن عمرك اون بش و بكرل اون كون و حاجي كاظمك دخي بر هفته مدته حبسلرينه قرار و يرلديكي ميندر .

لايحه تميز بهك مفادى محكمه مذكور جه جلب و استماع اولتان شهودك كندوسنه درجه قرايتلري بالتحليف استماعلرني ايجاب ايتدبرهك درجه ده اولديني حالد بالتحليف استماع ايدلر ينك اصوله مخافتندن و اساساً آورنده ضرب فعلى و بوني مؤيد بر رايور دخي موجود بولنديني كبي فعل ايله جزا بيننده نسبت عادلانهك دخي كوزدهلدن كيدن بختله اعلام مذكورك نقضى استدعا سندن عبارتدر .

تبليغنامه ده دخي لايحه تميز بهده اعتراضات مذكوره بجا كورلديكندن اعلام مزبورك نقضى طب اولنمشدر .

ظهور ايتيمى ومعاينه راپورى دلاى ايله ثابت اولديغندن
بحاله مرقومك اولوجهله تجريمته قرار اعطاسنى طلب
وادعا ووكيل مدافع دخى موكلتك آپارتمانك قپوسنى آلت
مخصوصه استعماليله آچوب كيرديكى و كمال افندى ايله فلييك
اوطه لرندن اشيا سرقت ايتديكى حقدنه رؤيته مستند
شهادت اولماديغنى ومتهمك آپارتمان دروننده كورلديكى
وقاچديغنى قپوجى ديمترينك قول مجردينده قالدديغنى
ومتهمده ظهورايدن اناختارك آپارتمان قپوسنه اويمه سى
موكلتك كيرديكنه دليل طوتيله ميه جغنى وقوميسر
افندى به سلاح تشهير ايتديكى تعين ايتديكى سردايه
هرايكى فعلدن دخى برائته قرار ويرلمسنى استدعا
ومتهمده بشقه ديه جكى اولماديغنى بيان وانبا ايلريله
محاكمه لرينك ختام بولديغنى بالا فهم مذاكره اوطه سنه
كلدى .

طرفينك ادعا و افاده و مدافعاتى و بالجهله
اوراق تحقيقيه و ضوابط مندرجاتى وضع
موضع تدقيق ودعوى خلاصه و كيفيت تعميق ومتهم
خرستونك كيفيت سرقتى كلياً انكارله برطاقم تاويلاته
ابتدار واوزرنده ظهور ايتدى دينلان شيلرى
زقائدن طوپلادقلىرى وقاسنى قوميسر افندى به تشهير
ايتيوب زرنده بولنان قايى يره آته جنى صروده
طوتدقلىرى تذكار ووكيل مدافعك دخى رؤيته مستند
شهادت اولماديغنى ومتهمك آپارتمان دروننده كورلديكى
وقاچديغنى قپوجى ديمترينك قول مجردينده قالدديغنى
وموكلتك زرنده ظهورايدن اناختارك آپارتمان
قپوسنه اويمه سى دليل طوتيله ميه جغنى وتشهير سلاحكده
تعين ايتديكى يولنده اداره كفتار ايلرینه نظر تحديق
اولنه رق حل مسئله به كيريشلده قپوجى ديمترى
طرفندن طوتوكز ديوتعقيب ايديلان متهم خريستونى
دردست ايدى جكى صروده قماسنى صاللامغله باشك يان
طرفنه تصادف ايتيمش ايسه ده جرح ايدى مديكى ومتهم
مرقومك قره غولخانه ده اوزرنده بعض اشياى مسروقه
بولنديغنى مدعى شخصيلردن قوميسر مصطفى افندى
جانبدن بيان و برصباح الافرانغه ساعت يدى راده لرنده
آپارتمانك ايكنجى قات زردانندن اينكده اولان متهم
خريستونى كوروب اساساً طانيدديغندن وزقاق قپوسنك
آچيق بولمسندن شبهه لنه رك قاجغه شتاب ايدن
مرقومى بالتعقيب تونل جوارنده قوميسر مصطفى
افندى به دردست ايتديره جكى صروده مرقومك قما
چكديكى ومأمورين سائر نك دخى كله رك متهم
مرقومى طوتملرى اوزرينه آپارتمان غودتله باقديغنده
مستاجر لر دن كمال افندى ايله فلييك اوطه لرندن
بعض شيلرك چالندديغنى اكلامسى اوزرينه قره غولخانه به
اخبار ايدى رك چالنان شيلرك اوزرنده ظهور ايلديكى
جوابى آلدديغنى ومتهمده ظهورايدن پرووالى

اناختارك آپارتمان قپوسنى سهولته آچديغنى حقوق
عموميه شهودندن قپوجى ديمترى ومرقوم قپوجى
ديمترى طرفندن تعقيب ايديلان متهمك يمينجى زقاغنده
اوكنه چيقان قوميسر مصطفى افندى به قما صاللا ريغنى
وبعد اوزرنده دورين واناختار ومنديل كى مسروق
اشيا بولدقلىرى حسين افندى ومتهم مرقومى دردست
ايدن قوميسر افندى به قارشو تشهير سلاح ايلديكى
بكجى محمد طرفلرندن بر آورده زبان اولمسه ومتهمده
ظهور ايدن مذكور شيلرك (كمال) مارقلى منديل
ايه توتون طبقه سى وحلقه به مربوط اناختارلرك
مذكور آپارتمان مستاجرلرندن كمال افندى طرفندن
تصاحب ايلديكى وديكر پرووالى مقتاحك دخى
عند التطبيق آپارتمان قپوسنى سهولته آچديغنى ضبط
ورقمسى ايله راپور مشعر ومدافعاته نقل كلام اولندقدنه
شاهدلردن ديمترينك افاده سى متهمك فرارى واوزرنده
مسروق اشيا ظهورى ومتهمده بولنان اناختارك
مذكور آپارتمان قپوسنه مطابق كلسى كى شاهد
مرقومك كوره بيلديكى مشهوداته متدائر اولوب شهادت
مذكوره ضبط ومعاينه ورقه لرى مندرجاتى مؤيد
كورنمسه مبنى متهمك انكار وتاويلاتى ووكيلك
كافه مدافعاتى غير مقبول والحاصل كلام متهم خريستونك
٣٣٣ سنه سى شباطنك اوچنجى كونى صبايحى
تپه باشنده كائن ٦ نومرولى آپارتمان آلت مخصوصه
استعماليله بالدخول سرقت مجاسرت ودرسته كيدن
پوليس قوميسرى مصطفى افندى به سلاح تشهيرينه
جرات ايلديكى دلائل وامارات موجوده دن متصحل
قرائن قاطعه ايله مرتبه ثبوت موصول اولديغندن
اولوجهله تجريمته وجاهاً ومتفقاً قرار ويريله رك محاكمه
اوطه سنه عودتله قرار مذكور علناً قرائت ويبان
اولندقدنه معاون مومى ايله مجرم خريستونك قانون
جزانك ايكي يوز يكرمىجى ماده سنه تطبيقاً جزاسنك
تجديدنى طلب وادعا ووكيل مدافع موكلتك تخفيف
جزاسنى استدعا ومجرمه بشقه ديه جكى اولماديغنى بيان
وانبا ايلريله بوجهت محاكمه نكده اختتامى بعدالفهام
مذاكره اوطه سنه كلدى .

جهت جزائيه سى دخى مذاكره اولندقدنه مجرم
خريستونك اعظم جرمى اولان سرقت فعلدن طولايى
حركتى قانون جزانك ايكي يوز يكرمىجى ماده سنه
موافق وماده مذكوره « هر نه قدر انسان اقامت ايدر
محل اولمسه ويا خود مسكون محله متعلق بولمسه بيله
قبائى وديوار ايله محدود اولان محللرك ديوارى دلهرك
ويا زردبان ايله آشهرق ويا آلت مخصوصه ايله قپوسنى
آچهرق خريستونك ايدنلر موقتاً كوركه قونيلور »
عباره سنى ناطق اولديغندن مذكور ماده حكمنه توفيقاً
وسلاح تشهيرينه جرائندن طولايى جزاسنى تشديداً

وابتداى توقيفى اولان ٣٣٦ سنه سى محرمك اون
يدنجى كونندن اعتباراً بش سنه مدتله كوركه قونلسمه
ومصارف محاكمه اولان جمعاً يوز قرق غروشك
كندوسندن تحصيليله تسليم وزنه ايتديرلمسه ٣٣٦
سنه سى ربيع الآخرينك اون التيسنه مصادف ٣٣٤
سنه سى مايسنك بشنجى كونى وجاهاً ومتفقاً قرار
ويريله رك اصول تفهيمى اجرا قلندى .

اعلانات

نجات بيمر حكمنده

باغچه قپوسنده جلال بك خاى تحتنده ساكن ايكن
تجارت بحريه محكمه سندن افلاسنه حكم اولمش اولان
فوطوغراف وولوسيدتاجرى آ. ديرادور ذمتنده آله جغنى
اثبات ويا موقتاً قبول وقيد ايتديرمش اولان آله جقلولرك
قانوننامه تجارتك ٢١١ نجى وآنى ولى ايدن ماده سى
موجبجه مفلس طرفندن تكليف اولته جق
قوتقورداتونك مذاكره سى ايچون اشبو تموزك اون
يدنجى پنجشنبه كونى محكمه مذكوره نك مصالح
افلاسيه رؤيته مخصوص اوطه سنه كللى اعلان
اولنور .

ازميد سنجاغى بدایت محكمه سى اجرا دائره سنده :

اذميد تابع قولفالى قريه سندن پان اوغلى محمد
اغاك ازميدك خطيب قريه سندن جاللى اوغلى امين
ذمتنده برقطعه اعلام شرعى ايله آله جغنى اولان مبالغ
معلومه نك تأمين استيفاسى ايچون مديون مرقومك
قريه مرقومه ده كائن شرقاً محضر احمد ورثه سى غرباً
وشمالاً چاللىق جنوباً مديونك همشيره سى فاطمه نك
مفرز ترلاسى حدودى ايله محدود يكرمى اوچ دونم
برقطعه وينه قريه مرقومه ده شرقاً چاللىق غرباً
وشمالاً همشيره سى فاطمه نك مفرز ترلاسى جنوباً
چاللىق ايله محدود. اون اوچ دونم برقطعه وينه قريه
مرقومه ده شرقاً صره جهلى اوغلى صالح غرباً صاحب
سند شمالاً امير اوغلى شريف على جنوباً جاللى
اوغلى حسن حدودى ايله محدود سكر دونم برقطعه
ترلالرينك حيز وفروختى قراراشديرلمش اولديغندن
طالب اولانلرك تاريخ اعلاندن اعتباراً اون بش كون
صوكره ازميد سنجاغى بدایت محكمه سى اجرا
دائره سنده مراجعت ايللى اعلان اولنور .

